



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Abbati Sanctae Mariae de Ferraria, ejúsque fratribus tam praesentibus
quàm futuris regularem vitam professis in perpetuum.

urn:nbn:de:hbz:466:1-20006

telleximus diligenter, de fratrum nostrorum consilio Tripolitan. Ecclesiam in eum statum possessionum decrevimus integre reducendam quam antè habuerat quam per venerabilem fratrem nostrum Nazaren. Archiepiscopum & dilectum filium Abbatem Montis oliveri directum à venerabili fratre nostro Patriarcha Hierosolymitan. prætextu mandati jamdicti prædecessoris nostri, præmissarum rerum possessio ipsis Hospitalariis adjudicata fuisset: quibus dedimus in præceptis ut juxta quoderat sententiarum à nobis, possessionem rerum superius expressarum, cum integritate fructuum ab eo tempore perceptorum ex eis, ipsi Ecclesiæ Tripolitanensi, contradictione, occasione, & appellatione cessantibus, pacificè resignarent, nec ei super eadem possessione violentiam vel injuriam aliquam præsumerent irrogare, ne propter hoc in causa proprietatis, propter rebellionem suam, jacturam incurrerent graviolem. Vobis quoque recolimus mandavisse ut si ultra mensem possessionem illam contra sententiam nostram præsumerent detinere, prædictam Ecclesiam de Nefins cum omnibus antedictis curaretis Tripolitanensi Ecclesiæ assignare, eamque in corporalem possessionem inducere prædictorum, contradictores quoslibet aut nostræ sententiæ obviantes per severitatem ecclesiasticam appellatione postposita compescendo. Nullis litteris obstantibus præter assensum partium &c. Cum autem prædicti fratres, sicut accepimus, super possessione sententiæ lætæ obedierint humiliter & devotè, per quam nullum eis super quæstione proprietatis præjudicium generatur, cum nihil commune habeat proprietatis cum possessione, juxta legitimas functiones, causam proprietatis ad petitionem prædictorum fratrum vestro duximus examini committendam, per apostolica scripta præcipiendo mandantes quatenus vocatis ad præsentiam vestram qui fuerint evocandi, & auditis & plenius intellectis quæ in judicio petitorio duxerint proponenda, quod justum fuerit appellatione postposita statuatis, facientes &c. appellatione remota. Nullis &c. Quòd si ambo &c.

ABBATI SANCTÆ MARIÆ de Ferrara, ejusque fratribus tam presentibus quam futuris regularem vitam professis in perpetuum.

Religiosam vitam eligentibus apostolicum convenit adesse præsidium &c. usque ad verbum annuimus, præfatam Ecclesiam sanctæ Mariæ de Ferrara, quam in fundo à nobili viro Ricardo quondam Comite de Sangro pia vobis donatione concessio ad divinum obsequium construxistis, sed & cambium quod fecistis cum bonæ memoriæ Matthæo quondam Capuanensi Archiepiscopo & Ecclesia Capuanensi, à quibus recepistis duas Ecclesias dirutas, id est, Ecclesiam sancti Martini, in qua Cisterciensem ordinem statuistis, & sancti Helix, cum omnibus tenementis earum, sicut habetis in publico instrumento, & locum illum ubi est Ecclesia sancti Angeli, cum ipsa Ecclesia & tenimento suo, in jus & proprietatem beati Petri & sacrosanctæ Romanæ Ecclesiæ ad instar felicitis recordationis Lucij, Clementis, & Celestini prædecessorum nostrorum Romanorum Pontificum suscipimus, & præsentis scripti privilegio communimus, statuentes ut quascunque possessiones, quæcunque bona, eadem Ecclesia in præsentiarum justè & canonicè possidet &c. usque ad verbum illibata permaneant. In quibus hæc propriis duximus exprimenda vocabulis. Prædia quæ contulit vobis illustris memoriæ W. quondam Rex Siciliae, scilicet startiam de Cornillan. startiam de Palmento, & Iardinum Galerani, startiam sancti Stephani, & Pantanelli, & Rivi Iannuli, & Forestellæ, sancti Petri Lacuscin. usum pascuorum & omnium sylvarum in toto tenimento Varran. startiam de Peticella in eodem tenimento, startiam de Fraxo, & pedis montis, quam dedit vobis Tancredus illustris Siciliae Rex in tenimento Teani, tenimenta quæ habetis intra montes & in omnibus partibus suis, & quicquid habetis in Varran. prædium quod contulit vobis Iohannes Notarius juxta flumen Wlruni, & quicquid vobis contulit Hug. de Prata, quicquid in territorio habetis sancti Angeli de Rabaccanina, & omnia pascua in terris ejusdem Hugonis, & quod habetis in Catulifca, pascua quæ habetis in Alifia, in tenimento Calvi in

*Epist. 274.
De confirmatione privilegiorum.*

prato torundo, & in Dalfian. Castelli maris, fundum de sylva plana, quem habetis ex dono Gismundi, terram quam vobis contulit nobilis mulier Mathia & prædictus Hug. in flumine Lethæ, ubi habetis molendinum folle, domum quam habetis in castro Mastradi, rationes omnes quas habetis in Neapolim, Limatam quæ dicitur Perdita, quam dedit vobis nobilis vir Goffridus de Montefuscuro, tenimentum quod contulit vobis Comes W. de Caferta in tenimento Telefiæ, quod fuit Iohannis Militis Bassi, molendinum quod contulit vobis Comes Rog. de Molifio in Hyfemia, & pascua per totam terram suam, molendinum de Pentomis, quod dedit vobis Malgerius Sorellus, & quicquid habetis in Minian. in monte Rodon. in petra, in Marcian. & in sancto German. domos, apothecam, & terras quas Iohannes Ricardi dedit vobis in Capua, & domos quas dedit vobis Petrus Alifiæ, & quas dedit vobis Iohannes Cancarrus in eadem civitate, tenimentum quod dedit vobis Philippus de Busson in Suess. pro anima uxoris suæ, & libertates quas habetis per regnum de platearico, passagio, & herbativo. Sanè laborum vestrorum, quos propriis manibus vel sumptibus colitis, tam de terris cultis quàm incultis, sive de vestrorum animalium nutrimentis, nullus à vobis decimas exigere vel extorquere præsumat. Liceat quoque vobis Clericos vel laicos liberos &c. *usque ad verbum* retinere. Prohibemus insuper ne ulli fratrum vestrorum post factam in eodem loco professionem &c. *usque ad verbum* retinere. Quòd si quis fortè eos retinere præsumperit &c. Paci quoque & tranquillitati vestræ paterna in posterum sollicitudine providere volentes &c. *usque ad verbum* audeat exercere. Illud insuper auctoritate apostolica prohibemus, ne infra dimidiam leugam prope abbatiam vestram aliqua de novo habitatio fiat, de qua vobis debeat servata hæctenus libertatis & pacis aliquod præjudicium generari. Ordinationes etiam monachorum vestrorum à diocesano suscipietis Episcopo, siquidem catholicus fuerit, & gratiam atque communionem apostolicæ sedis habuerit, & gratis & absque pravitate aliqua voluerit exhibere. Alioquin liceat vobis à quocunque malueritis catholico Episcopo suscipere, qui nostra fultus auctoritate quod

postulatur impendat. Decernimus ergo &c. *usque ad verbum* profutura. Salva sedis apostolicæ auctoritate. Si quis igitur &c. Cunctis autem &c. Datum Laterani per manum Raynaldi Acheruntini Archiepiscopi, Cancellarij vicem agentis, XIV. Kal. Februarij, Indictione III. incarnationis dominicæ anno millesimo centesimo XCIX. Pontificatus verò Domini Innocentij Papæ III. anno secundo.

EPISCOPO PADVANO.

CVM in Ecclesia Dei & officia beneficij & beneficia sint officij deputata, & oneri honor annexus, & onus honori, ecclesiasticis debent gaudere stipendiis qui ecclesiasticis officij sunt ascripti, ne contra legis veteris inhibitionem os bovi trituranti claudatur, aut contra verbum Apostoli aliquis cogatur stipendiis militare, si qui altari deservit, non detur vivere de altari. Sanè in examinatione causæ quam olim cum dilecto filio Magistro G. qui nobis ac fratribus nostris litteraturæ ac bonitatis suæ meritis est acceptus, olim habueras, ab eo intelleximus esse propositum, & à procuratore tuo & nuntio non negatum, ipsum de assensu tuo in Canonicum Ecclesiæ Paduan. fuisse receptum, & à te postmodum in Subdiaconum ordinatum, in eo duntaxat existente vi quæstionis, quòd propter investituram, quæ tibi de antiqua consuetudine competeat, præbendam de Canonicorum manibus recepisset. Licet autem ipse per sententiam delegatorum iudicum ab eadem causâ ceciderit, & satis sufficiat ad correctionem ipsius quòd in eo punitus est in quo visus est deliquisse, ut misericordiam in nobis inveniat, qui hæctenus justitiam est expertus, quamvis ex eo quòd in eadem Ecclesia certus beneficiorum est numerus per sedem apostolicam confirmatus, & nullum beneficium vacet in ea, immo, sicut dicitur, tres ad unum contra statuta Turonen. Concilij sint admissi, non statim precibus ejus condescendere valeamus: quia tamen absolum est non modicum & indignum ut Canonicus & Subdiaconus Ecclesiæ Paduan. ipsius remaneat beneficio destitutus, fraternitatem tuam monemus & exhorramur in Domino, & per apostolica scripta præcipiendo mandamus, quatenus cum hi qui post eum recepti sunt

Epist. 27.
Vc Magistro
G. primam va-
caruram præ-
bendam alk-
goct.

fol. 176.
v. 176.
v. 176.